


Eil Guerzen**I**

Cheleuet hag é kleueet ha kleuet e hreet,
Ha me ia de gontein d'oh ur vraùig a neüéted.

II

Ha me ia de laret d'oh ur vraùig a neüéted
Diar Mab er Hlohour a Velrand, larér, é ma saüet

III

Diar Mab er Hlohour a Velrand, larér, é ma saüet
Hag en des paset er blé-men kapitén chouañned.

IV

E Bihui, é kreiz er vorh, larér é hes un davarn
E oé abarh 'ivet, un dé, un naü pé dek jandarm.

V

Arriü Mab er Hlohour én ti, èl ma oé ur pautr diaul
Ean laret d'en davarnouréz : « Tennet chistr ar en daul ».

VI

» Kaset tregont chopinad chistr ha ne veet ket soéhet
» M'em es kameraded arlerh hag en des hoah séhed

VII

Er jandarmed e oé ino e gomans um sellet ;
« Mal é d'emb-ni monet arauk ; chetu er chouañned »

VIII

Nag a ino pe lamezas, de Gerveur Guern é has ;
Etré unek eur ha kreiz noz saüet un revolt bras.

— 283 —

IX

Etré unek eur ha kreiz noz, saüet ur revolt bras,
Mab er Hlohous oé ér sulér saillet a blom d'en ias.

X

Rah er garnizon a Bondi, soudarded, jandarmed,
Nag e oé deit de Gerveur Guern de dapein chouañned.

XI

Pemp dén armet ha tri uigent ér porh e oé tolpet,
Mab er Hlohous, dré er lukan, 'n ou mesken doé saillet.

XII

Ean e saillas 'n ur venaleg hag e lauskas deu dén :
— Soudarded, deit rah ar me lerh ha hui me iondr korden !

XIII

E pas édan un avalen, ino doé bet un len,
Ha ean monet hag achapet de guhet de Gelüen.

XIV

Meit a pe oé Mab er hlohous seüel doh lann Kelüen
Er goed e ridas anehon ér méz èl ur blomen.

XV

A pe oé arriü é Kelüen ean monet d'er porched :
« Intron Varia a Gelüen sikouret, mar karet.

XVI

Intron Varia a Gelüen sikouret, mar karet.
Rak ma ne garet me sikour me zo un dén kollet. »

XVII

Nag a ino monet e hras de gavet er huré
Aveit arestein é hoed ; rak allas ! goannat e hré.

XVIII

Nag a ino hoah pe lamas na de Bondi é has
De gavet er mestr jandarmed, en eutru Lavias.

XIX

Dé mat d'oh, eutru Lavias, guerso é kleuan laret
E oh é klah Mab er Hlohous ha n'en anaüet ket.

XX

Mar doh é klah Mab er Hlohous, èl ma kleuan laret
Mar karet eutru « brigadier » me hrei d'oh er havet.

— 284 —

XXI

— Pe houiehen mé, dén ieuank, lareheh ket ur geu
Me rehé d'oh chistr de ivet friko lan hou poelleu.

XXII

Pe oé Mab er Hlohour én ti, oé èl ur hah fouëtet,
A pe oé deit ar er pavé, ur diaul diranjennet.

XXIII

A pe oé deit ar er paüé ean stoké é voteu :
Chomet geté digor ou beg èl un nebed léieu.

XXIV

Ean e laras d'er iondr korden : « Mé é Mab er Hlohér
Deit ar me lerh bremen léieu, rak è han mé d'er gér »

XXV

Nag a ino monet e hras de gosté Sant-Brieg,
Hag ur jiboèsourig ieuank en doé ean bet treiset.

XXVI

Mab er Hlohour a vorh Melrand oé ur jiboèsour mat,
Ean e gemér é fuzillen eit mont de jiboèsat.

XXVII

Er jiboèsourig ieuank-hont henneh oé ur pautr fin
Hag e dapas Mab er Hlohour é ivet ur huéh gu'n.

XXVIII

Dé mat d'oh jiboèsour ieuank, jiboèsour èl ma omb.
Damb bremen, hon deu, d'en davarn de ivet beb a lom.

XXIV

P'ou doé antréet barh en ti : « Cherret klos en orieu !
Chetu, Mab louaän er Hlohour, achiüet hou farseu. »

XXX

Ind dap ur gorden ar é houg, un aral ar é skoé,
Hag ind er stagas doh un trest, èl ma vé groeit d'ur lé.

XXXI

« Ia achiü é er hours, eidoh de hobér hou farseu ;
Bremen é vo ret d'oh monet d'achiü d'er galéieu . . »